



JUDICIAL SISTEM MONITORING PROGRAMME
PROGRAMA DE MONITORIZASAUN DO SISTEMA JUDICIAL

Komunikadu Imprensa

Períodu : Jullu 2012

Edisaun : 03 Agostu 2012

Tribunál Distritál Suai hamonu pena prizaun tinan 23 ba kazu omísidiu agravadu hasoru nia konjúje

Iha loron 31 fulan Jullu 2012, Tribunál Distritál Suai halo julgamentu ho agenda lee leitura akórdaun ba kazu ne'ebé rejista ho Númeru Prosesu: 19/PEN/2011/TDS. Kazu ne'e komete husi Paulo da Costa hasoru matebian Filomena da Costa nu'udar nia konjúje ne'ebé akontese iha Suco Alas, Sub-distritu Same, Distritu Manufahi, iha tinan 2010. Aleinde ne'e, komete krime omísidiu, kondenadu mós komite krime ofensa ba integridade fizika grave.

Prosesu leitura akórdaun dirijé husi Juíz singulár Dr. Pedro Raposo Figueredo, Ministériu Púbiku representa husi Dra. Zélia Trindade no arguidu akompañadu husi Dr. Julio Pereira Cardoso no Dr. João Ndun, husi Eskritóriu Liberta (Advogadu Privadu).

Diretór Ezekutivu JSMP, Luis de Oliveira Sampaio haktuir katak *JSMP simu ho laran haksolok akordaun ne'e no kongratula esforsu tomak ne'ebe autóridade judisiáriu sira halo atu asegura justisa ne'ebé justu ba kazu ne'e no asegura hatudu ba públiku katak krime omísidiu nu'udar krime ne'ebé todan no nunka bele hetan nia baze justifikasaun, satan kazu ne'e hasoru nia konjuje rasik.*

Tuir JSMP nia observsaun katak iha leitura sentensa ne'ebé tribunal lee ba kazu katak arguidu provadu kontra artigu 139 alinea (g) no artigu 146 Kódigu Penál.

Konsiderasaun tribunál bázeia ba deklarasaun husi kondenadu rasik ne'ebé konfesa tuir faktus akuzasaun katak loos duni kondenadu mak oho nia konjúje no lori katana taa nia kuñada to'o liman ida kotu liu.

Relasiona ho prasesu no faktus provadus hirak ne'e, tribunál kondena arguidu ho pena ba kazu omísidu agravadu tinan 20 no ba kazu ofensa integridade fizika agravadu tribunál kondena ho pena tinan 7 iha prizaun. Entertantu krime 2 ne'ebé arguidu komete tribunál konklui kondena arguidu ho pena tinan 23 iha prizaun.

Mesmu nune' é tuir lei, tribunál sei fó oprtunidade ba parte sira atu apresenta rekursu ba Tribunál Rekursu tuir lei prosesu penál, durante tempu loron 15 ba partes sira hodi halo rekursu hasoru desizaun tribunál nian.

Atu hetan informasaun kle'an favor kontaktu direktamente:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

Landline: 3323883